

Katekese ba Oratorio Pre-adolexente

Tempo komum iha semana XVI ne'e nia laran, katekese iha oratorio sei ko'alia kona ba liturgia Eukaristia/ Misa. Atu nune'e oratorio sira bele konsente kona ba importansia iha Misa. Liu-liu orasaun be reza iha Misa no mos aksaun isin nian iha Misa laran ka liturgia pratika.

Liturgia ne'ebé ita celebra/halo beibeik mak EUKARISTIA SANTA no Liturgia da palavra, liturgia sira ne'e halo hodi Kreda nia naran (laos selebraun no orasaun privadu). Selebrante sira ne'e mak hirak ne'ebé simu kna'ar no sira nia lalaok moris nian tuir Kreda nia nia hanorin no moral (DK kan 834§2). Liturgia mak sinal no lalaok hasantu nudar Kreda, (Maromak nia Povu) nia selebrasaun ka hasa'e-an ba Maromak, liu husi Kristo. Ida ne'e mak lalaok relijiosa nebeé hanaran Liturgia, hanesan:

Halo hodi Kreda nia naran

Halo hamutuk (laos mesa-mesak)







Ema ida mak guia, sira ne'ebé simu kna'ar husi Kreda

Selebrasaun ne'e halao tuir regulamentu be fo sai ona nune'e mos

Orasaun no leitura sira usa husi ka hasai husi livru be loos no livru
sira ne'e aprova ka imprimator husi ukun nain Kreda local nian.

kolekta ne'e, mak ita hatene Misa ne'e nia intensaun, Misa ne'e nia harohan ka hasa'e ba Maromak kona ba saida nian.

Se ita mai tarde, iha parte ida ne'e, ita la hatene, misa hasa'e kona ba saida nian. Wainhira tuir Misa presisa hatene Misa ne'e nia intensaun, selae, ita hanesan ema ne'ebé lao iha dalan, maibe lahatene nia atu ba ne'ebé.



1. Hahanro
2. Anam
3. hande
4. bar sub-su
5. liakoa
6. nohain
7. ahrimik
8. tiugen

1	2	3	4	5	6	7	8	9	10	11	12	13	14
15	16	17	18	19	20	21	22	Jo 16: 26					

I Strutura Geral iha Misa

Objectivo:

- Pre-adolexente sira konsente kona ba ritos sira iha Misa laran
- Pre-adolexente sira komprende kona ba misa nia hafahe sira ne'e
- Pre-adolexente sira hatene kona ba Misa ne'e nia fafahek sira

Prosesu

Orasaun: Tamba Sinal, Santa kruz, Na'i Maromak, hasai ami ata, husi buat aat hotu,

Hodi Padre, hodi Filho,

Ilustrasi

K_{nananuk}: LA'ODAUDAUN BESIK BANA'INIA ALTAR 24

La'o daudaun besik ba Na'i nia altar

ami atu hafoun Na'i nia domin.

Aleluia, aleluia!

1. Haraik Ita lialos no Ita roman
atu leno netik ami dalan ba Maromak.
2. Na'i Maromak ha'u nia ksolok;
ha'u sei hahi Nia beibeik loron kalan.
3. Gloria ba Aman no ba Oan,
no ba Espiritu Santu.
4. Nudar hori uluk, oras ne'e,
tinan ba tinan, nafatin. Amen.

Evanjellu Mt 18: 15-19

Hanorin malu

¹⁵“O nia maun eh alin sala karik hasouru o, ba koaliala ho nia mesa-mesak hodi hatudu nia sala. Nia rona karik o, o manan ona o nia maun eh alin ne'e. ¹⁶Nia la rona karik o, ba lori tan ema ida ka rua atu lia hotu sai los hodi sasin na'in rua ka tolu nia liafuan. ¹⁷Nia lakohi rona karik ema sira ne'e, ba fo hatene ba kreda. Maibe nia lakohi rona kreda karik, hare ona nia nudar ema gentiu no ema publikanu ida. ¹⁸Tebes, Ha'u dehan ba imi: Buat hotu nebe imi futu iha rai sei futu metin iha lalehan; buat hotu nebe imi kore iha rai sei kore mos iha lalehan.”

¹⁹Ha'u dehan tan ba imi: “Imi na'in rua iha rai ne'e lia tuir malu karik atu husu buat ida, Ha'u Aman iha lalehan sei fo duni ba imi. ²⁰Basa iha fatin nebe ema na'in rua ka tolu halibur hamutuk hodi Ha'u nia naran, Ha'u mos iha sira nia le'et.”

Perguntas

1. Wainhira ita hare ema halo sala ita sei halo saida?
2. Jezus dehan buat ne'ebé futu iha rai, sei futu mos iha ne'ebé?
3. Wainhira ema nain rua ka tolu lia tuir malu, ita husu buat ida, Aman iha lalehan sei halo saida?
4.

Resumo

Iha Evanjellu ita rona Jezus dehan mai ita, “ema nain rua lia tuir malu karik, buat sa mak ita husu ba Aman nia sei fo, no Jezus lia tun teni; iha fatin ne'ebé ema na'in rua ka tolu halibur hamutuk hodi Ha'u nia naran, Ha'u mos iha sira nia le'et. Ita ba misa iha loron domingo ka

tradisaun antigu nian, orasaun ne'e dala barak refere ba Maromak Aman, liu husi Kristo, iha Espirito Santo, no remata ho Trinite, ne'e atu dehan remata ho naruk oi-tuan mak hanesan tuir mai:

- Se orasaun ne'e hatoo ba Aman; hodi Ami Na'i Jezus Kristo, ita Oan, ne'ebé moris no ukun hamutuk ho ita no Espirito Santo, Maromak ida deit, tinan ba tinan
- Ami harohan ne'e hodi Na'i Jezus Kristo nia naran, hamutuk ho Espirito Santo

Povo, tau an hamutuk ho harohan ne'e tomak, hodi halo orasaun ne'e nu'udar sira nian rasik ho aklamasaun, *Amen*

Nafatin aklamasaun ida deit iha Misa.

Selebrante konvida ho liafuan “Ita Harohan” hafoin nonok oituan, iha nonok ne'e nia laran ema ida-idak hasa'e nia harohan iha nia fuan laran

Selebrante reza orasaun ne'ebé iha ona, foti husi livru Misa nian, iha Misa loron ne'e nian

Exemplo:

Amlulik: Ita harohan

Na'i hhusi rahun-diak Virgem Maria nia harohan daet, mai tulun ami ba, atu nune'e, ami bele too lolos foho Maksoin nian.

Ami harohan ne'e, hodi Na'i Jesus Kristu nia naran, hamutuk ho Espirito Santu. (orasaun ne'e reza iha Nain Feto do Carmo nia loron)

Povu: *Amen.*

Misa parte orasaun kolekta ne'e mak hakonu misa hahu nian iha primeira parte. Iha parte ida ne'e importante tamba liu tiha orasaun hahi nian (Gloria), tuir mai ita hasae ita nia hahoran be ita iha ka rai iha ita nia fuan laran be sira seluk la hatene ne'e ba Maromak. Misa iha parte ida ne'e, presisa tau atensaun makaas atu rona, tamba iha orasaun

2. Hili letra ida-ida husi número 1-22, hodi tau iha kaixa mamuk liña rua ikus nian, hanesan número hatuir, tuir S. João nia evanjellu.

Ninia tabela iha kotuk

Evanjellu Mt 6: 5-8

Harohan oin sa

⁵“Wainhira imi reza, keta halo hanesan ema laran makerek sira nebe gosta harohan hodi hamriik iha sinagoga sira no iha prasa. Tebes, Ha'u dehan ba imi, sira ne'e simu ona sira nia kolen. ⁶Maibe, wainhira o harohan, tama iha o nia kuartu laran, taka odamatan hodi harohan sub-subar ba o nia Aman, basa Nia nebe hare buat nebe subar, sei fo o nia kolen. ⁷Wainhira imi reza, keta koalia barak hanesan gentiu sira; sira hanoin katak ho sira nia liafuan bar-barak, Na'i sei rona sira. ⁸Keta halo hanesan sira basa imi nia Aman hatene buat nebe imi kuran molok imi husu ba Nia.

Perguntas

1. Jezus dehan wainhira erza karik keta halo hanesan se?
2. Wainhira ita harohan, halo saida?
3. Harohan ba se✓
4.

Resumo

Kolecta

Tuir mai Nailulik konvida povo atu reza. Ema hotu, reza hamutuk ho Nailulik, iha silensio badak, atu ema bele sente (konsente) katak sira iha duni Maromak futar oin no hasa'e sira nia harohan ho nonok. Hafoin Nailulik reza orasaun kolekta no liu husi orasaun ida ne'e mak hatoo kona ba celebraun ne'e nia espresaun. Tuir Kreda nia

loron boot eh loron baile'et ruma, ita hotu be iha misa ne'e hasa'e lian ida deit, mak reza orasaun hanesan, no halibur hamutuk iha uma kreda laran.

Misa ne'e, mak Na'i nia han dala ikus ho nia Apostolo sira. Na'i nia emar sira mai halibur hamutuk, ho Padre ida atu celebra no hola Kristu nia fatin, atu celebra misa ne'e, hodi hanoin fali Na'i nia Sakrifisio iha misa ne'e.

Ho rajaun ida ne'e mak Kristo hameno hela mai ita, “iha fatin ne'ebé ema na'in rua ka tolu halibur hamutuk hodi Ha'u nia naran, Ha'u mos iha sira nia le'et.” (Mt 18:20). Nune'e, ita nia halibur hamutuk iha fatin ida/ Kreda ho Kreda no iha Kreda nia laran: Jezus iha ita nia le'et.”. Basa iha celebraun Misa, mak sakrifisio iha kruz ne'e nia realizasaun, hatudu katak Kristu iha duni iha liturgia be comunidade halibur hamutuk hodi nia naran ne'e, Nia prezensa iha celebrante (Padre be reza Misa), iha Nia Liafuan (Leitura sira), no los duni ho susbtansial no kontinua prezensa iha Eukaristia. (paun no tua be nakfilak ba Na'i nia Isin no Ran).

Tuir *intodusaun Geral Misal Romano nian, Misa ita fahe deit ba parte rua: Liturgia da palavra no liturgia Eukaristia*

Liturgia da Palavra (Maromak futarlia fuan),

Ita sei hafahe parte rua:

Ritos Iniciais (Hahuu)

Maromak Futarlia fuan

liturgia Eukaristia

Ita sei hafahe parte rua:

Eukaristia

Final/ ikus

Ita sei ba haklean parte hirak ne'e, iha domingo ida-idak ka loron oratorio nian. Misa ne'e ida deit, hahuu husi hodi Padre, ... hahuu nian too fali iha hodi Padre, ikus nian. Maibe tuir Kreda nia dokumnetu,

misa ne'e ita hafahe tiha ba parte rua no iha ritus sira. Nune'e, keta hano'in katak, ita tuir ritus balun deit, ka parte ida deit, ne'e sura ona katak ita tuir ona Misa, lae! Ne'e sala. Misa fahe nune'e, atu ita prepara an no konsente kona ba misa ne'e tomak, atu lalaok iha misa laran tutuir malu, ida uluk, uluk nafatin, klaran, nafatin klaran no ikus, ikus nafatin, labele troka fali atu klaran ba fali uluk ka ikus, tuir ita nia hakarak fali. Iha domingo mai ita ba Misa no observa didiak, misa nia fafahek sira.

II

Missa iha Domingo

Objetivo:

Pre-adolescente sira konsente kona ba ritos sira iha Misa laran

Pre-adolescente sira komprende movimento iha Misa laran

Pre-adolescente sira hadomi hodi pratika movimento isin nian iha Misa laran.

Prosesu

Orasaun: Tamba Sinal, Santa kruz, Na'i Maromak, hasai ami ata, husi buat aat hotu,
Hodi Padre, hodi Filho,

Knananuk: OHIN LORON, LORON HANA'INA' I JESUS 40

Ohin loron, loron hana'i Na'i Jesus, aleluia, aleluia.

1. Husik buat hotu, mai uma Kreda,
hana'i, hahi Na'i Maromak.
Hasa'e ba Nia klamar no isin,
terus eh ksolok; diak eh aat.
2. Loron Domingo loran harohan,
rona Maromak lialos.
Komunga, simu aihan lalehan,
kbiit makaas, tulun diak nian

VI Kolekta

Ojectivo

Atu foinsa'e sira konsente orasaun kolekta ne'e amululik sira reza ho konsensia tomak

Atu foinsa'e sira Komprende orasaun kolekta ne'e reza tuir selebrasaun ida-idak nian no reza husi livru misal

Atu foinsa'e sira hatene halo silensio no rona didiak orasaun ne'e wainhira amululik reza

Prosesu

Orasaun: Hodi Padre, Hodi Filho,

Knananuk: OHIN LORON, LORON HANA'INA' I JESUS 40

Ohin loron, loron hana'i Na'i Jesus, aleluia, aleluia.

1. Husik buat hotu, mai uma Kreda,
hana'i, hahi Na'i Maromak.
Hasa'e ba Nia klamar no isin,
terus eh ksolok; diak eh aat.
2. Loron Domingo loran harohan,
rona Maromak lialos.
Komunga, simu aihan lalehan,
kbiit makaas, tulun diak nian.

Ilustrasi

1. Haloos lifuan sira iha numero 1-8, hodi hatama letra ida-ida iha kaixa mamuk ida.

mundu nia sala, simu ami nia hamulak. Ita be hatodan An iha
Aman nia kuana, sadia ami. Ita mesak santu, Ita mesak Na'i.
Ita mesak boot liu tomak, Jesus Kristu; hamutuk ho Espiritu
Santu, iha Aman Maromak nia gloria. **Amen**

Gloria, ne'e kleur liu ona no soi duni hino hahi nian iha ne'ebé
Kreda, halibur hamutuk iha Espiritu Santo, hahi no harohan ba Maro-
mak Aman no Maksoin. Testo knananuk ida ne'e diak liu keta troka ho
texto seluk. *Gloria* ne'e, amulik mak foti/ hahuu, selae koro, maibe ida
ne'e ema hotu hananu hamutuk, ka povo ho koro troka malu. Se la
hananu karik, ema hotu reza hamutuk, ka bele mos parte rua troka malu,
eh hatan malu.

hananu ka reza *Gloria*, laos iha domingu sira tempo advent no
kuarema nian, maibe iha solenidade no festa, iha tempo rua ne'e nian
bele no tempo komum nian.

Iha evanjelu ita rona, ema hasa'e *Gloria* ba Israel nia Maromak,
tamba sira hare buat kmanek ida, sira hatene katak ne'e laos buat
baibain nian ida no ema baibain bele halo. Sira admira Jezus ho buat
be Nia halo, hodi hahi Maromak. Ita ba misa iha domingu, hasa'e gloria
ba Maromak. Ita hare buat foun ruma, iha ita nia moris ka lae? Ita admira
eventu ruma hodi hasa'e *Gloria* ba Maromak iha domingu ka tamba
Gloria ne'e formula be reza nune'e ha'u mos reza?

Taka ho orasaun ka hananu *Gloria*

Istoria

Loron ida, Antonio ho nia papa ba iha igreja. Tama ba igreja laran,
Papa buka fatin, sira ba iha fatin los, papa hakneak no reza, Antonio tur deit
hodi hateke papa, no ema seluk be iha ne'ebá. Amululik, akolitus no leitores
hahu prosisaun laos hakbesik ba altar, Antonio tur nafatin, papa dada Anto-
nio nia liman atu hamriik.

Husi ne'e, Antonio aprende, hare ema iha igreja laran hamriik nia mos
hamriik, tur nia mos tur, hakneak nia mos hakneak. Antonio la hatene tansa
ema hamriik no tur eh hakneak, maibe nia halo tuir deit ema nia jestu sira ne'e
iha misa laran.

Misa hotu ona, fila ba uma, iha dalan nia husu nia papa, buat hotu be
nia hare no halo iha Misa ohin ne'e. Papa hatan no esplika ba Antonio tansa
ema tenki ba igreja, reza no kanta iha misa. ikus mai Antonio komprende.

Perguntas

1. Antonio ba Misa ho se?
2. Antonio hare saida iha igreja?
3. Fila ba uma iha dalan Antonio husu saida ba nia papa?
4.

Evanjellu Mk 14: 22-25

Han hemu Paskua nian

²²Sira han dau-daun, Jesus kaer paun, fo bensa hodi silu no fo ba Nia
eskolante sira dehan: "Simu ba. Ne'e Ha'u nia isin." ²³Tuir mai, Nia
foti kalis, fo agradese no fo ba sira. Sira hotu hemu. ²⁴Jesus dehan ba
sira, "Ne'e Ha'u nia ran, ran aliansa nian, nebe sei nakfakar tamba ema
barak. ²⁵Tebes Ha'u dehan ba imi katak Ha'u sei la hemu tan housi
uvas fuan to'o loron nebe Ha'u sei hemu tua foun iha Maromak nia
reinu."

Perguntas

1. Sira han dadaun Jezús halo saida?
2. Wainhira Jezús foti kalis Jezús dehana saida?
3. Jezús dehan Ha'u sei la hemu tan housi uvas fuan, maibe sei hemu tua foun iha ne'ebé?
4.

Resumo

Iha Evanjellu ita rona kona ba Jezús nia han dala ikus, harii Eukaristia ho nia Apostolos sira. Nia hasa'e agradese ba Aman, hafoin fahe buat be nia foín hasae ba Aman ne'e ba nia Apostolos sira. Ne'e mak misa, misa katak atu hasa'e agradece ba Maromak. Hasa'e agradese ho ritos, katak iha ninia lalaok ida atu ita hotu tuir. Tuir mai ne'e ita sei ba hare, isin nia movimento iha misa laran.

Regra ba isin nia lalaok iha selebrasaun misa

RITOS INICIAIS (HAHUU)

Prosisaun tama	hamriik
Sinal kruz	hamriik
Kuprimenta	hamriik
Liafuan makloke	hamriik
Rito Penitensial	
Konfesa ita sala	hamriik
Naín Sadia	hamriik
Gloria	hamriik
Orasaun makloke ba Maromak nia liafuan (Kolekte)	hamriik

LITURGIADA PALAVRA

Leitura dahuluk	tuur
Salmo Resposorial	tuur

Evanjellu

Mt 15: 29-31

Fo isin diak ba ema moras barak

²⁹Sai tiha housi neba, Jesus liu ba to'o tasi Galileia. Nia sa'e ba foho ida hodi tur iha neba. ³⁰Ema barak mai buka Nia. Sira lori ema ain aat sira, ema moras sira, matan delek sira no monok sira, ho tan sira barak seluk hodi tau sira iha nia ain; no Jesus fo isin diak ba sira. ³¹Ne'e halo ema lubun boot hakfodak wainhira sira hare monok sira koalía, moras sira diak fali, ain aat sira la'o los, matan delek sira hare mos. No sira hasa'e gloria ba Israel nia Maromak.

Perguntas

1. Ema barak buka Jezús ne'e lori saida ba Jezús?
2. Tansa mak ema lori sira be moras ne'e ba Jezús?
3. Ema lubun be hasoru Jezús ne'e, sira halo saida wainhira sira ema moras hetan isin diak?
4.

Ressumo

Se ohin hananu ona gloria ne'e, la presisa reza, maibe se ohin la hananu karik diak liu reza orasaun ne'e.

Amlulik: Gloria ba Maromak leten aas ba.

Povu: Paz iha raiklaran ba ema sira be Na'i hadomi; Na'i Maromak, Liurai lalehan nian. Aman Maromak, bele hot-hotu, ami hahi Ita Boot, ami hana'i Ita Boot, ami adora Ita Boot, ami hasa'e gloria ba Ita Boot. Ami agradese Ita Boot tan Ita Boot kmanek wain. Na'i klaran, Oan Mane mesak, Jesus Kristu. Na'i Maromak, Bibi Oan Maromak nian, Maromak nia Oan Mane. Ita be kasu mundu nia sala, sadia ami. Ita be kasu

V
Knananuk hahí nian

Ojectivo

Atu foinsa'e sira konsente orasaun Glória ne'e, ema nia halibur

hamutuk hodi Espírito Santo

Atu foinsa'e sira Kompreende orasaun Glória hahí no hanai ba

Santíssima Trindade.

Atu foinsa'e sira hatene reza no reza didiak orasaun ida ne'e

Prosesu

Orasaun: Hodi Padre, hodi Filho,

Knananuk mak loke: **GLORIABANA'I** 260

(Bele mos hananu Glória ba Maromak leten aas ba!)

Gloria ba Na'i, glória ba Na'i, hahí ba Na'i.

1. Gloria ba Padre, glória ba Filho,

gloria ba Espírito Santu.

2. Nudar hori uluk, oras ne'e,

Tinan ba tinan, nafatin. *Amen*

Ilustrasaun

Reza orasaun Glória

1. Mais oumenus iha orasaun, ne'e ita hahí ka husu/harohan?

2. Se sira hatan hahí! Ho liafuan ida ne'ebé/ iha orasaun ne'e husi ne'ebé too iha ne'ebé?

3. Se sira hatan husu/harohan! Ho liafuan ida ne'ebé/ iha orasaun ne'e husi ne'ebé too iha ne'ebé?

4.

Leitura daruak

tuur

Aklamasun do E'vanjellu

hamriik

E'vanjellu

hamriik

Homilia (haklean leitura sira)

tuur

Ha'u fiar (K'edu)

hamriik

Fiar nain sira nia harohan

hamriik

LITURGIA EUCARISTIA

Kolekta (ofertório)

tuur

Prepara atu hasa'e (buat karan)

tuur

Orasaun hasa'e Buat karan

hamriik

Orasaun Eukarístika

hamriik

Prefasio

hamriik

Santu-santu

hamriik

Orasaun Eukarístia

hakneak

RITO DA CUMUNHÃO

Ami Aman

hamriik

Orasaun Damen

hamriik

Hiit sa'e Jesus nia isin

hamriik

Prepara-an ba simu komuñao

hamriik/hakneak

Simu Jezús nia isin (ran)

hamriik lao iha liña

Simu tiha Jezús nia isin (ran)

hamriik/hakneak too ema simu hotu

Nonok no harohan mesa-mesak

hamriik/hakneak too ema simu hotu

Agradeseamento

tuur

Orasaun Depois da Cumunhão

hamriik

RITOS FINAIS

Avisu

tuur

Bensaun Final

hamriik

Nota bene: se labele hakneak karik, hamriik, se labele hamriik tuur deit.

Ne'e mak ita sarani nia jestu, iha misa laran. Lato'o atu hatan ka reza deit iha misa laran maibe ita nia isin nia movimento mos importante iha misa. Antonio nia papa, kaer Antonio nia liman, hanorin nia atu halo tuir wainhira hamriik no tur, tamba se ita la halo didiak asaun sira ne'e; uluk liu mak ita la tuir misa ho didiak, tuir mai ita disturba ema seluk iha misa laran ne'e. Ita ba misa, tulun malu atu reza, mak hodi la halo ita nia jestu mesa-mesak deit maibe hamutuk, buat ne'ebé ema hotu halo mak, ha'u halo se tur ita tur, hamriik ita hamriik, hakneak ita hakneak, nsst.

Se halo didiak jestu sira ne'e mak, ita tulun ita nia an rasik atu reza ho konsentrasaun no tulun mos ema seluk atu reza didiak, wainhira ita tulun ema seluk atu reza didiak, sira reza mos ba ita, se sira la reza Maromak sei fo bensaun mai ita. Nune'e wainhira ita ba misa karik, atensaun didiak, ba jestu sira ne'e. Basa jestu ida-idak iha ninia arti rasik, nune'e jestu sira ne'e mos orasaun ida.

III

RITOS INICIAIS (HAHUU)

Onjectivo

Pre-adolexente sira konsente misa primeira parte ne'e importante

Pre-adolexente sira Kompreende Misa hahuu husi primeira parte

Pre-adolexente sira hola parte iha misa tomak

Prosesu

Orasaun: hodi Padre hodi filho, hodi

Reza liu tiha, Orasaun Penitensia nian, tuir mai hahu Kyrie/ Na'i Sadia, selae inserta tiha ona iha Orasaun Pentinsia nian/ konfesa ita sala. Bele hananu bele reza, misa iha parte ne'e fiar nain sira harohan ba Na'i husu Na'i nia laran sadia, ida ne'e bain-bain ema hotu halo, ne'e mak, povo no koro ka kantores sira be hola parte misa ne'e.

Amlulik: Na'i, sadia ami.

Povu: Na'i, sadia ami.

Amlulik: Kristu, sadia ami.

Povu: Kristu, sadia ami.

Amlulik: Na'i, sadia ami.

Povu: Na'i, sadia ami.

Iha Evanjellu ita rona katak matan delek nain rua husu ba Jezus atu hetan isin diak. Nune'e Jezus husu fali ba sira, imi fiar katak ha'u bele halo buat ne'e ba imi ga? Sira hatan "sim" ami fiar. Ho sira nia liafuan "ami fiar" ne'e fo kbiit/ korajem ba Jezus atu halo ba sira buat ne'ebé sira husu.

Ita hotu be fiar iha Kristo, tuir Misa, celebra Eukaristia be uluk Nia halo, ho neon no laran tomak ita reza, husu ho fiar hanesan matan delek nain rua ne'e, ita mos sei simu buat ne'ebé ita husu ba Na'i ho fiar.

Misa parte hahuu nian, iha Rito Penitensial ne'e, ita halo konfesa jeral, no husu perdaun ba Na'i, ba ita nia; hanoín, lifuan, no hahalok, be la tuir Na'i nia hanorin sira, no moral saarani nian be Santa Kreda hanorin mai ita.

Tan ba misa, laos ba tuir deit parte be ha'u gosta, koalía ho maluk sira, maibe ho atensaun tomak, reza no rona liafuan be amulik selebrante hatoo.

Iha orasaun konfesa ita sala ne'e, ita baku hirus matan; baku hirus matan ne'e katak sa?

Baku hirus matan:

Ninia artí. Hare husi tradisaun no exemplo husi kobrador emposto nian be harohan, hanesan Jezús konta iha ai-nanoik (Lukas 18:9-14), baku ba hirus matan ne'e dehan katak laran susar no arepende, la soin, haraik-an, no mos hatudu iha Maromak futar oin katak nia halo sala tempo hanesa husu perdaun.

Bainhira mak baku hirus matan. Baku hirus matan ne'e halo iha momento reza orasaun penitensia (ha'u beik sala, ha'u beik sala, ladiak liu) no mos iha tempo reza orasaun "Na'i sadia ami" no "Maromak nia Bibi Oan: *Na'i ha'u la soi Ita Boot hiit an mai ha'u laran*".

Dala barak, baku hirus matan no hakruuk ho, tuir Rm Guardini, baku hirus matan hahalok ida "loke fuan nia odamatan no mos hafanun ita, book ita neon atu hader hodi konsente katak Maromak bolu ita atu nakfilak an"

Tansa baku hirus matan? Kreda nia tradisaun konsidera baku hirus matan tamba, ema nia fuan hela iha ne'ebá, ne'ebé presiza hamos husi sala hotu.

Oinsa halo. Baku hirus matan ho liman komu laos ho liman fuan ka liman tutun, laos hanesaan hamos rai -rahan iha hena, dala ruma la kona tan mos iha. São Hireneo, dala ruma uza fatuk hodi tuku ba nia hirus matan. Hanesan ne'e hatudu katak halo fera fuan nia odamatan be ta-ka metin baku ho fatuk biban harahun mesak ita nia sala sira.

Na'i Sadia/Kyrie Eleison

MAI, LA'O HO HA'U BA MAROMAK UMA 30

1. Mai, la'o ho ha'u ba Maromak uma. (3x)

Iha neba haksolok, ksolok, ksolok.

2. Lalehan la dook ba Maromak uma. (3x)

3. Jesus mak dalan ba Maromak uma. (3x)

4. Jesus mak naroman iha Maromak uma. (3x)

5. Jesus mak domin iha Maromak uma. (3x)

6. Jesus mak damen iha Maromak uma. (3x)

7. Ita hahi Nia iha Maromak uma. (3x)

Ilustrasaun

Loron ida Francelino too tarde iha eskola. Kolega sira hotu iha ona sala laran, maibe mestre seidak tama. Molok Francelino too, nia kolega sira reza tiha ona. Wainhira mestre tama mai, atu hahu lisaun, Francelino foti liman dehan, mestre ita seidak reza. Alunus sira hotu iha sala laran, hamnasa nia.

Perguntas

1. Francelino mai uluk ka ikus?

2. Mestre atu hanorin Franselino halo saida?

3. Tamba sa Francelino, hapara mestre atu hanorin?

4.

Evanjellu: Mt 28: 16-20

Jesus nia lia menon ikus

¹⁶Eskolante sanulu resin ida ne'e la'o ba Galileia, ba foho nebe uluk Jesus haruka sira. ¹⁷Hare tiha Nia, sira adora Nia; maibe sira balun laran namlele hela. ¹⁸Jesus hakbesik hodi koalio ba sira dehan:

“Kbiit tomak iha lalehan no rai fo tiha ona mai Ha'u. ¹⁹Ne'e duni, la'o ba, hanorin nasaun hot-hotu; sarani sira hodi Aman, Oan no Espiritu Santu nia naran, ²⁰hanorin sira atu halo tuir buat hotu nebe Ha'u haruka imi. Ha'u sei hela nafatin hamutuk ho imi, to'o mundu nia rohan.”

Perguntas

1. Imi komprende saida husi Evayjellu ne'e?
2. Jezus haruka nia eskolante sira, atu sarani ema hodi se nia naran?
3. Tamba sa tenki uja naran tolu ne'e?
4.

Resumo

Ita nia tema ohin nian koalía kona ba RITOS INICIAIS (HAHU), iha Misa. Hahu/ iniciais ne'e importante liu, se ita la tuir (halo sala) iha parte ne'e, katak parte seluk misa nian be tuir mai ita sei lakon. Hanesan iha dalan sanak, ita hili sala ka ita hahu ho sala nian, ita sei la too iha fatin be ita atu ba ne'e. Hanesan Francelino, ema reza hotu ona, nia husu atu reza tan, nune'e ema hotu hamnasa nia, nia sente moe, maibe pasensia, tamba halo sala mesak hodi mai tarde.

Rito inisiu misa nian hahu ho prosisaun (Nailulik, hamutuk ho; akolitus, leitores) tempo hanesan knananuk hahuu nian hananu, too iha Altar oin; amululik hakruk iha altar oin, sae ba altar rein Altar/ kuprimenta Altar no kumprimenta povo be halibur an hamutuk iha fatin ne'e. (Liu tiha rein Altar Padre insensu Kruz no Altar.) Wainhira musika/ knananuk hahuu nian remata ona, Padre ba hamriik iha Trono oin (Kadeira be Padre tuur hodi halo Misa), hamutuk ho sarani sira be halibur hamutuk ne'e halo sinal kruz. Halo liu tiha sinal kruz, Padre kum-

3. Ho sira nia hatan “ami fiar”, ne'e Jezus halo saida ba sira?
4.

Resumo

Animador halo komentario badak ba sira nia resposta sira iha leten.

Rito Penitensial

Iha momento ne'e, nailulik selebrante konvida assembleia/ sarani sira be halibur hamutuk ne'e, atu hola parte iha rito penitensial, iha ne'ebe, halo silencio/ nonok oituan, hafoin ema hotu reza orasaun konfesa jeral nian. Rito ne'e remata ho amululik nia absolibasaun, dala ruma, karik, la kompleto ho Sakramento Penitensia nian.

Animador/ katekista bele reza iha Padre nia fatin, oratorioano sira iha povo nia fatin

Amlulik: Maun alin sira, molok ita hahu misteriu santu hirak ne'e, ita hakribi lai ita sala.

(Bele usa liafuan seluk).

Konfesa ita sala.

Povu: Ha'u konfesa ba Maromak bele halo hot-hotu, no mos ba imi, maun alin sira; ha'u sala fila-fila, hodi hanoin, hodi hateten, hodi halo, hodi la tuir obrigasaun. Ha'u beik sala, ha'u beik sala, la diak liu. Ne'e duni, ha'u husu ba Maria Virjem, ba anju no santu sira, no mos ba imi, maun alin sira, atu harohan ba Maromak tamba ha'u. **1**

Amlulik: Maromak bele halo hot-hotu sadia ita, perdua ita sala, lori ita ba moris rohan laek.

Povu: Amen

1. Tuir imi hatene tansa mak ita reza orasaun konfesa ita salan, iha Misa hahuu nian.
2. Iha orasaun ita hatoo (dehan) saida ba Maromak? Tamba sa?

Grupo b.

1. Tuir imi nia hatene tansa mak ita reza orasaun Na'in sadia?
2. Iha orasaun Na'in Sadia ne'e, ita husu saida ba Maromak?

Evajellu Mt 9: 27-34

Matan delek rua ho monok ida sai diak

²⁷Jesus sai daudaun housi neba, ema matan delek na'in rua tuir Nia hodi hakilar dehan: "David nia Oan, sadia ami." ²⁸To'o tiha uma, matan delek sira hakbesik ba Nia. Jesus dehan ba sira: "Imi fiar katak Ha'u bele halo buat ne'e?" Sira hatan ba Nia: "Ami fiar, Na'i!" ²⁹Nia kona sira nia matan dehan: "Sai diak ba tuir imi nia fiar!" ³⁰Sira nia matan nakloke. Jesus hateten ba sira ho lia maka'as: "Keta fo hatene buat ne'e ba ema ida." ³¹Maibe, sai tiha, sira halo Nia naran sai boot iha rai neba tomak.

³²Sira sai dau-daun, ema lori ba Nia ema monok ida ho diabu iha laran. ³³Nia duni sai diabu, no ema monok ne'e koalía ona. Ema lubun hakfodak hodi dehan: "Ema ida seidak hare buat ruma hanesan ne'e iha Israel." ³⁴Maibe fariseu sira dehan: "Hodi diabu sira nia ulun mak Nia duni sai diabu sira."

Perguntas

1. Matan delek na'in rua ne'e hakilar husu saida ba Jezús?
2. Jezús husu sira imi fiar? Sira hatan saida ba jezús?

primenta sarani sira, fo motivasaun ba sarani sira kona ba Maromak nia prezensa no loke Misa ne'e ho sinal kruz. Padre kumprimenta komuni-dade ho liafuan ne'e: Na'i Jesus Kristu nia grasa, Maromak Padre nia domin, hamutuk ho Espiritu Santu, hela ho imi. (Maromak hela ho imi.) povo hatan **Nia iha ami leet**. Liu tiha kumprimenta ida ne'e mak padre, hatoo ba sarani sira Misa ne'e nia motivasaun. Assembleia/ sarani sira be mai tuir Misa ne'e hamriik. Nune'e iha misa, Ritos Iniciais ne'e importante liu, diak liu ita iha ona fatin, mak Misa ne'e hahu.

Sinal kruz; sinal ida ne'e ema katolika sira nia sinal, ema katolika sira mak halo, liu-liu wainhira: a) atu hahu ka taka orassaun, b) tama iha fatin santu (uma Kreda, gruta nsst) c) fo bensaun, d) venera santu ka santa nia estatua/ imajem nsst. Sinal kruz hahu habelar iha seklu da ruak. Momento ne'e halo sinal kruz iha deit rein toos, no halo ho liman fuan ida deit. Sinal kruz be oras ne'e ita halo mak halo ho liman fuan iha liman loos ne'e tomak, hahu iha rentoos, mai iha kabun, ba iha kabaas karuk hafoin ba fali iha kabaas loos, tempo hanesan temi hodi Padre, hodi Filho, hodi Espirito Santo. Taka liman, dehan Amen. Uluk liu Sinal kruz halo nune'e, husi leten tun ba kraik, husi karuk ba loos, basa Kristo tun husi Lalehan mai iha rai, husi Judeu (kuana) ba gentiu (karuk).

Oras ne'e ita halo sinal kruz, husi leten tun ba kraik, tamba Kristo husi Lalehan tun mai rai, husi karuk ba loos, tamba husi terus (karuk) ita tama ba ksolok (kuana), hanesan Kristo husi mate ba moris hias. Sinal kruz ita halo iha misa nia klaran hanesan molok lee Evanjellu, ita halo dala tolu iha "rentoos, ibun no fuan" momento konsagrasaun, balun halo molok simu Jezús nia Futar Isin

Ho sinal kruz, ita hatoo ba Maromak ita nia fiar, basa ita temi Trindade nia naran, hodi simu dehan Amen. Sinal kruz mos sinal

konsagrasaun nian, ita tau liman ihaulun, ita tau Maromak iha fatin aas, no tempo hanesan ita halulik/ hasa'e ita nia hano in ba Maromak. Wainhira iha fuan no kabun, hasa'e/ halulik ita nia isin ba Maromak, no wainhira iha kabaas, ita hasa'e ita nia knaar no serbisu ba Maromak.

Halo sinal krus atu fo bensaun, ida ne'e bai-bain amululik sira mak halo. (fo bensaun ba estatua, tersu nsst). Ita wainhira halo sinal kruz tenki halo lolos no didiak, tutuir malu, nune'e moos liafuan sira be ita dehan, no ho atensaun tomak. Nune'e ema fiar nain ida bele manan indulgen-sia. (*Concessiones* no. 28§2 no. 2).

Hamriik

Ita: hatoo ita nia fiar ho neon no laran tomak, klamar ne'ebé pronto iha Maromak futar oin, pronto hasoru Na'i no koalía ho Nia. Ita hamriik tam-ba ita iha ita nia Na'i Ulun no Ida be tau matan ba ita nia moris nia oin.

Hamriik mos hatudu no hatoo ita nia agrade-se, hahi no ita hakbesik-an ba Na'i. Sarani sira hamriik hatudu mau alin iha moris, Na'i mak halibur ita hamutuk. Tan ne'e furak liu wainhira ita reza Kedu/ orasaun fiar nian, no orasaun Prefasio, ita hamriik. Ita fo sai ba ema hotu katak Kristo nia Mate no Moris Hias (Misterio Paskoa) nian mak base ba ita nia moris. Ne'e mak ita nia ksolok nia hun.

Nundar sarani be diak, atu tuir Misa tomak, hanesan ukun fuan sanulu no kredo nia kun fuan dehan, rona misa tomak, mak diak liu molok misa hahu ho hodi Padre ita iha ona fatin, atu ita keta lakon sinal kruz be hahu nian ne'e. (cf. (*General Instruction Of The Roman Missal*))

Tema: Rito Penitencial

Objectivo:

Pre-adolexente sira konsente misa parte hakribit sala ne'e importan

Pre-adolexente sira Komprende molok rona Maromak nia Liafuan, uluk nanain hakribit sala

Pre-adolexente sira reza didiak orasaun ida ne'e

Prosesu

Orasaun: hodi Padre,

Knananuk mak loke

NA'I, SADIA AMI

55

Oh, oh, oh Na'i, sadia ami.

Oh, oh Na'i, sadia ami.

Kristu, sadia ami.

Oh, oh, oh Kristu, sadia ami.

Oh, oh Na'i, sadia ami.

Kristu, sadia ami.

(bele mos hili seluk)

Ilustrasaun

Animador fahe oratoriano ba grupo rua. Ida-idak hatan pertuntas tuir mai ne'e.

Grupo a.